

拾三

奏為南路剿番分途拔木通道翻山逼巢恭摺馳陳仰祈

聖鑒事竊 臣等於年二月十七日業經商辦獅頭社番情形

奏明在案茲失據總統准軍提督唐定奎稟稱獅頭等社免番
前雖經各軍連營進紮將海邊柵木斫清而近山仍可莊匿
狙擊無已二月十二日前營之勇差往枋寮者九人途遇生番數
十被殺者七受傷者二連日福靖左營之勇被殺者五南勢
湖之勇被殺者一含沙射影防不勝防唐定奎招土勇千餘人
為鄉導督飭各軍將山腰汙萊概行翦薙自南勢湖起至刺桐
脚止間路計寬三十餘丈直三十餘丈該番無莽可伏沿途

一清隨獲獅頭社奸謀林進春一名訊明梟示當唐定奎之
初至也先於十八社中訪出同惡之番社曰內崑紋曰內外
崑紋曰師頭曰外獅頭曰竹坑曰阿栽米息曰中心崙曰嗎
梨吧曰草山曰干仔曰阿養益曰中文凡十有二社地皆昆
連因定進剿之路一出刺桐脚一出南勢湖十四日該番等
竟敢先由刺桐脚進非要刳出哨淮勇格鬪移時槍斃免番
二人奪獲器械數件方各獸散二十日中軍提督周志本副
營提督章高元親自入山探路見山窪茅屋數間料有莊伏
施火箭射之果有生番百餘突出喊抗我軍繞山而歸其地
蓋外獅頭社之卡也二十二日周志本督隊由南勢湖探路

福建
辦理臺灣等處海防兼理各國事務沈寶楨
督辦
王凱
李鶴
中
疏

姜沛林



魚貫而入約行數理左巖右溪鳥道一綫側足乃通正警備
 間生番約有五百餘人突起迎擊槍子兩墜周志本執螫先
 登士卒攀緣而上頂踵相摩克死拒益力鏖戰兩時始駭
 而奔我軍稱勝急攻連破其五卡直擣草山社克之弱息輜
 重早已遷匿焚其草藿百區敗番等分兩路奔竄憑高下瞰
 數十五外猶處視耽也擬即築壘其地以山無汲道整隊而
 還是以計陣斬悍番十餘名槍斃百餘名奪獲器械百餘件
 我軍亦陣亡銘中副營左哨官游擊束維清一員正勇三名
 槍傷銘中前營左哨官副將楊春泰一員正勇二十餘名鄉
 導十總郭占鰲亦右手受傷唐定奎於山麓廓清之後旋督
 各部五由剌桐腳循溪右偏而進三里許至竹坑山口察勘
 形勢可以安營惟荆榛滿目急須芟蕪三月初三日派武毅
 右軍右營管帶宋先聘屯之調集親正在三等營幫築壁壘
 布置就緒唐定奎仍循溪右而進數日之中又清山三里有
 竒遂至竹坑山下地勢迴旋為竹坑獅頭往來必由之道初
 八日復調集親正等營助築營壘派武毅左軍右營管帶何
 迪華駐之唐定奎仍督將士前行伐木繞至竹坑山之後其
 地曰竹坑埔該處距剌桐腳十里溪廣山高竹坑社在其東
 南阿栽米息中心崙在其正東內外獅頭社皆在西北實為
 形勝之區仍飭親正等營協築壁壘令左軍左營管帶陳有

元扼之現入山雖深遂節廊清連環進紮俟攻克險砦即分
 兵久占建甌之勢既成破竹之功可待南勢湖一路山溪更
 險亦已開通三里有奇該處係往獅頭社要隘可以安營惟
 其地石少土鬆囊土成之乃得結實已派管帶銘字中軍左
 營梁善明駐之餘仍步步剪除於機前進批亢擣虛以收全
 勝之效現在抗違者知技無可恃漸止其恟息之心拊和者
 知法在必懲消其勾結之術難披荆斬棘將士勞苦迥異尋
 常較諸冒險圖功糜血肉之軀以僥倖於一勝者又不當以
 彼易此攻心為上多殺何為此 臣 葆楨與唐定奎往返熟商
 不敢以稍延時日為憚也至恒春建治事宜俟剴務稍鬆即

行舉辦其衙署一切業給圖貼說由內地購材繩削俟工竣
 轉運至台以節運費而免曠工茲先將淮軍近日開路入山
 進逼番社情形合詞恭摺申輪船到滬交上海縣發驛寄里馳

奏伏乞

皇太后

皇上聖訓示遵行再此摺係 臣 葆楨主稿合併聲明謹

奏

光緒元年四月十三日軍機大臣奉

旨

欽此



沈葆楨等片

再准提臣羅大春咨稱前營外委陳維禮於本年二月初六日帶勇護解餉銀由蘇澳前赴新城行至石公嶺下之小石洞餉銀業已過嶺該外委督勇丁押後突遇生番百餘蠢擁截殺該外委率勇力戰移時奈眾寡不敵陣亡勇丁五名猶奮勇突圍力竭被殺嗣遇勇聞聲救護餘兵得脫餉銀幸亦保全該外委於去夏隨軍渡台旋回泉募勇委帶綬遠左營左哨茲因解餉中伏血戰捐軀殊堪悼惜又儘先補用副將李東來管帶福銳左營左哨去夏隨軍來台駐紮蘇澳委赴淡彰募勇力疾從公於上年八月十五日在石碇途次病故又儘先補用守備時榮貴管帶福銳左營前哨駐紮新城感受瘴癘於本年正月十七日在營病故可否

奏懇

賜卹等因又准文稱該提臣駐台所部兵勇或臨陣捐軀或入伏遇害或積勞成疾或遭風浪身自十三年七月起至元年二月底止計陣亡傷故病故兵勇九十六名遭風淹沒勇丁三十二名可否

奏懇俟後山建城設官後

准予附祀昭忠祠等因並據送冊前來經臣等覆核無異伏查陳維禮等三員戎行宣力奮勇無前先後陣亡病故情均可憫

合無籲懇

天恩逾格

飭部將外委陳維禮照把總陣亡例從優議卹副將李東來守備
時榮貴各以原官照軍營立功後病故例議卹其兵勇一百
二十八名均懇

准予附祀昭忠祠俾得分歆享祀以慰忠魂謹合詞附片陳明伏
乞

聖鑒訓示遵行謹

奏

光緒元年四月十三日軍機大臣奉

旨陳維禮等均著照所請交部分別議卹餘依議欽此

